

中國邊疆史志集成

內蒙古史志
43

全國圖書館文獻
縮微復制中心

熱河志

樹入長圍我武當蒐狩非因耀德威

其八

紫塞行巡日珣輿問俗年大庖陳折俎仙醴秩初筵屏翰金湯壯光華賜予宣示慈良有意哀對在敷天

巡歷塞北雜詠四首

疊嶂層岷一綫開草深徑路絕塵埃龍沙雨後灤河水日夜朝宗入塞來

其二

雲開灌木萬山清縹緲前旌拂曉星漫道窮荒人跡少幾家煙火簇邊庭

其三

職方風土有遺書問俗今還一駐車禾黍近來耕稼滿烟鋤雲鍤遍新畬

其四

塞北風多露氣涼
慢城坐聽漏聲長
只今六月渾無暑
已見飄來木葉黃

迴鑾抵古北口

黃谷清河古戍間
鑾車此日省方還
長林曲抱千溪水
小徑斜通萬仞山
地扼襟喉趨朔漠
天流鎖鑰枕雄關
時平不用誇形勝
雲物秋澄斥堠閒

塞外省覽風俗

莫道巖關險要荒
總一家戍樓無鼓角
戰壘是桑麻野靜
知民樂時清見物
華林中歸徑晚旌
旆滿烟霞

再至紅川避暑

塞外留鑾蹕長林
帳殿幽乍看南火
歷已動北山秋露
冷輕葵簞花寒御
綺裘重來欣勝賞
斯地即丹邱

迴鑾至鰭鬣口秋雨初霽對月

纖月高林動輝輝古塞長冰輪初濯露桂影欲飄香
烏鵲聲頻起關河色共涼旌門吟眺遠萬國自清光

出古北口 二集

年年秋獮此經過峭石天成險隘多沙漠名王皆屬國
但留形勝壯山河

將之山莊四首 三集

畏暑心何勝平明出玉墀萬幾豈歇息臨政有疇咨

其二

暖溜自平地風光此日佳暄波由近發浩澤無津涯

其三

駐輦相風竿臨書羨五傳情瀾分暑節疏爽須葵扇

其四

金匱集卷之二十一
霖雨消塵蹟輕霞照野荊詞臣每扈從上賞賦昆明

迴鑾四集

獵罷迴鑾塞冷時旻天今歲落霜遲圍人競帶甘肥脯田叟爭收高
下縻穀賤共知欣有食物多須記守長規西成盈野倉箱滿關內依
然是所思

順治八年四月乙卯

上啓蹕巡幸塞外癸亥出獨石口五月甲申

駐蹕上都河丁亥

駐蹕喀喇河屯己丑入古北口癸巳

上迴宮

康熙十六年九月甲申

上啓蹕恭謁

孝陵禮成

巡幸塞外己丑出喜峯口乙未

駐蹕和爾和克必喇丙申

迴駐喀喇河屯

賜來朝喀喇沁郡王扎什鎮國公烏特巴拉等弓矢庚子

駐蹕達什喇卜齊昂阿先是

命喀喇沁郡王扎什鎮國公烏特巴拉一等塔布囊什達及三十二

塔布囊精奇尼哈番副都統等以兵一千五百名來爲嚮導是

日

上御幔城外各

賜冠服鞞帶銀幣有差壬寅入喜峯口

是日見道旁臥者駕經達蘭蘇默

奏民人王某自邊外傭工歸乏食偃臥不能起遣侍衛往問覆

非朕赤子可食以粥並

命喜峯口遊擊杜昇資送回籍

十月癸丑

上迴宮

二十年三月癸酉

上奉

太皇太后啓蹕幸遵化州湯泉因

巡幸塞外四月庚寅出喜峯口丙申

駕至拜察丁酉

駐蹕和爾和戊戌

駐蹕必爾罕己亥

迴駐烏蘭岡安丁未入喜峯口五月乙卯

上奉

太皇太后迴宮

二十二年六月癸未

上奉

太皇太后啓蹕巡幸塞外丁亥出古北口戊戌

駐蹕烏拉岱庚子以天旱

命建壇祈雨是日甘霖大沛丙午

巡視英錫爾哈等處甲寅

還駐烏拉岱庚申奉

太皇太后幸拜察丙寅

御黃幄設儀仗

賜來朝科爾沁喀喇沁翁牛特土默特敖漢奈曼克什克騰阿巴噶

喀爾喀諸王貝勒貝子公額駙台吉及蒙古官兵等宴

頒賜蒙古王公及管領圍場各王公等冠服韉帶有差七月庚午朔

御黃幄

賜管領圍場阿嚕科爾沁郡王色楞額駙巴特瑪及台吉等宴是日

奉

太皇太后自拜察

迴鑾

駐蹕胡土克圖布拉克

賜色楞等冠服韉帶弓矢及官兵等銀幣有差辛未

諭各蒙古王公額駙台吉及官兵等曰今阿嚕科爾沁翁牛特二旗盜賊甚衆爲盜賊而至富者能有幾人身被惡名被獲則死凡貧皆由天命違理妄求能必得乎爾等各遵法守分有一二牲畜者擇水草善地畜牧能耕田者勤於耕種則各得生理天亦佑之倘有貧困至極無以聊生者該管之主宜加撫恤使之得所朕本內外一視並無分別爾外國遇年歲荒歉朕即運糧米賑濟或有困乏即賜牲畜緞匹無非慮爾等失所此番巡幸爾等或有過犯朕並不執法治罪且頻加賞賚嗣後爾等宜遵守教諭革除惡習以副朕好生之意科爾沁親王班第等率官兵等懽忭奏謝庚寅入古北口甲午

上奉

太皇太后迴宮

二十三年五月甲申

上啓蹕巡幸塞外丁亥出古北口戊子於偏嶺西山行圍殪虎癸巳

駐蹕阿里瑪台

賜八旗護軍校等牛羊六月壬寅

駐蹕蘇拜昂阿伯勒齊爾

諭扈從諸臣禁踐踏禾苗癸卯

駐蹕庫克哈達乙巳

賜扈從八旗章京護軍及蒙古察哈爾護軍等牛羊丁未於錫爾哈

摩琳阿林行圍殪虎壬子

駐蹕額爾通色欽

先是庚戌扈從諸臣奏

哈達等處饒水草多獸請便道

行圍

駕將幸牧地烏蘭

其地艱樵採不便從行軍

命別擇地以聞

甲寅

諭副都統巴圖等曰邊外八旗蒙古與內八旗一體今朕巡行之次

見其衣食常乏深爲惻然著通行曉諭所過地方蒙古人等有鰥寡孤獨老病不得其所者令其來見加恩賞賚且因其來見朕亦可悉

其生計

嗣是諸蒙古人等日扶老攜幼泥首上命曉事者進見詳詢年齒生理降

行宮前叩首

旨賜飲食

給銀布

乙卯

駐蹕額爾通阿拉

御黃幄閱馬駝牛羊牧羣

賜溫郡王延壽自擇內廐馬二匹

扈從內大臣都統前鋒統領護軍統領等內廐馬各一匹侍衛前鋒參領護軍參領以下至八旗前鋒護軍察哈爾蒙古官兵及執事人等馬各一匹時前鋒參領錫圖塔爾岱以効力行間人材壯健

命加賜內廐馬一匹以獎之辛酉於哈瑪爾阿林行圍殪虎七月乙

丑朔

駐蹕昆都倫布拉克

賜扈從八旗官兵及蒙古察哈爾官兵牛羊癸酉

駕至拜察乙亥

賜克什克騰都統參領佐領驍騎校等蟒袍綢緞及兵丁等銀布有

差八月乙未

駐蹕烏拉岱丁酉

賜科爾沁端敏公主翁牛特和碩郡主蘇尼特和碩郡主緞匹鞍轡

巴林王納木達克貝子烏爾占溫春冠服金帶弓矢鞍轡額駙

阿喇卜坦台吉格呼勒圖等以下護衛典儀以上並扈從都統

副都統官兵等冠服鞞帶弓矢銀幣布匹有差壬寅

駐蹕僧機圖哈達

賜扈從八旗官兵牛羊丙午入古北口戊申

上迴宮

二十四年六月乙巳

上啓蹕巡幸塞外癸丑出古北口七月丙寅

駐蹕都呼岱浩齊特郡王策卜登奏歲饑請賑

上諭理藩院遣官赴浩齊特速察饑民戶口以聞己巳

駕至拜察癸酉

駐蹕錫布赫海塔哈理藩院以浩齊特饑民戶口奏聞

命以拜察儲粟一千石運往賑之八月癸巳

駐蹕齊老圖

賜察哈爾官兵衣幣銀布有差丙申

駐蹕伊瑪圖

諭八旗察哈爾官兵曰爾等自

太宗皇帝時皆編旗分佐領愛養有年今朕巡行邊外講習武備見爾等人材壯健頗諳體制與京師八旗無異朕所以獎勵爾等不分

內外一視同仁嗣後各宜善爲畜牧力勤農事謹守成法勿爲盜賊如此不特人皆得所即朕任使亦有裨益矣察哈爾游牧總管及各官兵等皆懼忭奏謝己亥

駐蹕僧機圖昂阿庚子

賜來朝科爾沁翁牛特巴林敖漢諸王貝勒額駙台吉等衣服韉帶及官兵銀緞布匹有差壬寅

駐蹕烏拉岱丙午

駐蹕拜布哈昂阿

賜翁牛特修路官兵銀緞布匹有差乙卯

駐蹕烏爾格蘇台丙辰

賜哈喇沁郡王扎什以下及官兵等冠服韉帶銀緞布匹有差九月戊午朔

上自博羅河屯迴鑾己未